

面對不確定的市場前景要注意分散風險影片文本

長度: 4'29"

小節標題	聲音	畫面
	<p>大家好。我地已經經歷左接近兩年嘅疫情生活。雖然全球依家已經進入左復甦嘅經濟週期，但係同時我哋亦留意到唔同地區面對全球復甦有著唔同嘅增長步伐。今集我會同大家分享我哋滙豐投資管理對全球宏觀經濟嘅展望同埋我地對個別資產類別嘅睇法，等強積金成員能夠掌握環球市場資訊。</p>	
<p>全球宏觀經濟</p>	<p>首先而家全球宏觀經濟受著以下嘅因素影響，包括經濟增長、通脹風險同貨幣政策。</p> <p>全球唔同嘅地區亦都面對著唔同嘅增長步伐。</p>	
	<p>2021 年嘅下半年進入經濟週期嘅「擴張階段」</p> <p>主要有以下二種情況：</p> <p>一、有部分經濟體依家處於週期入面嘅擴張階段，包括中國、美國地區</p> <p>二、而有一啲經濟體嘅增長步伐就較為落後，但就有從後趕上嘅趨勢，呢啲地區包括日本、歐元區等等。呢啲落後股票可能會喺未來幾季表現出色。</p> <p>我地相信短期嘅通脹波動依然會持續，通</p>	

	<p>脹嘅上行風險都會較為明顯，但預期中期通脹應該會受到控制。</p> <p>貨幣政策方面，聯儲局表示縮減資產購買規模所需要嘅條件好快就會達到。不過，我哋相信貨幣政策仍然會保持相對寬鬆，財政仍然有足夠空間應對下行嘅風險。</p> <p>因為以上提及嘅不確定同不明朗因素，我哋都建議可以考慮分散投資來減低整體嘅投資風險。</p>	
<p>資產類別</p>	<p>我哋中長期仍然睇好風險相對較高嘅資產類別，包括股票。但係面對不確定的市場前景，我哋需要審慎咁配置投資組合。</p> <ul style="list-style-type: none"> • 美國股票因優質公司、巨型科技股同埋數碼經濟類嘅股份而利好，但同時美國股票嘅估值亦相對較高，所以投資者需要留意。 • 歐洲方面，疫苗成功推出，加上價值股有可能跑贏大市。但同時，歐洲股票年初至今表現強勁，已經累積咗部分嘅升幅，投資者係呢一方面都需留意。 • 中國內地股票受政策環境同監管嘅不明朗因素影響，係短期內可能會為市場帶來一啲波動。 <p>如以下圖二所見，喺過去 5 年，我哋無見到某一個資產類別可以持續跑贏其他資產類別。面對未來市況不明朗，投資組合入面分散投資喺唔同地區嘅股票同埋債券，係平衡風險同埋捕捉市場表現嘅重要考慮。 咁投資者又可以點訂立退休投資組合？</p>	

強積金平台	<ul style="list-style-type: none"> • 我哋認為投資者係決定自己嘅退休投資組合時，應該考慮自己能夠承受嘅風險程度，同埋要定期因應自己嘅投資目標同市場狀況來檢討投資組合。 • 強積金平台為成員提供全面嘅基金選擇，可以幫助成員有效咁分散投資。股票基金選擇方面，除咗環球股票基金之外，仲有多個地區股票基金涵蓋美國、歐洲、亞太區、中國同埋香港投資市場，運用唔同嘅基金管理策略，包括主動型管理基金，同埋追蹤指數嘅基金畀成員選擇。 • 此外，成員亦可以考慮投資嘅混合資產類型嘅基金。強積金平台提供多隻環球投資分散、各自有唔同股票同債券比例嘅混合資產基金，以配合成員不同嘅投資目標同需要。每隻混合資產基金有各自嘅長遠資產配置策略，投資專家會根據市場狀況而去作出調整，包括增持或者減持，以捕捉訊息萬變嘅市場機遇同潛在回報。 	
恒生強積金電子服務	<p>想靈活調配自己嘅強積金投資組合，而家你可以透過恒生個人流動理財服務應用程式或者恒生個人 e-Banking，同時管理你嘅銀行同強積金賬戶。透過簡單指示就可以查閱強積金賬戶結餘、檢視基金表現同更改投資分布。咁你就可以隨時隨地調整你嘅投資組合啦。</p>	
聯絡方法		<p>恒生強積金僱主專線: 22886822 恒生強積金服務熱線: 22132213 恒生強積金網頁: hangseng.com/empf</p>
免責聲明		<p>此短片內容只屬一般參考意見，亦</p>

		<p>不構成任何招攬或建議任何人以內容取代有關專業意見。你應於作出任何有關本短片內容的決定前，聽取專業人士的分析及建議。</p> <p>本短片的所有知識產權屬恒生銀行有限公司（「本行」）所有及保留。任何人士未經本行書面授權，不得為任何目的而複製、分發、修改、播放、連接或以任何方式傳送有關影片所載之全部或任何部分。</p> <p>投資附帶風險，投資價值可升可跌，甚至變成毫無價值。以上觀點可能會因市場因素或環境受改變而不需另作通知。過往的業績並非未來表現的指標。本短片所載資料並無因應任何個人作出檢核。閣下承認信賴任何以上資料內容之風險由你自行承擔。投資者應就本身的投資經驗、投資目標、財政資源及其他相關條件，小心衡量自己是否適合參與任何投資項目。請細閱閣下有興趣之有關投資產品的銷售文件，以取得更詳盡資料。</p> <p>此短片未經香港證券及期貨事務監察委員會或任何香港的監管機構審批。</p> <p>2021 年 12 月</p>
--	--	---